

IOK-HÂN Ê PHOE TĒ IT SU (62)

1 Lūn-kàu oáh-miā ê Tō, tùi khí-thâu só· ū, goán só· thiaⁿ-kìⁿ, chhin-bák só· khoàⁿ-kìⁿ, só· koan-khoàⁿ, iā goán ê chhiú bong-tiòh ê; ²chit ê oáh-miā bat chhut-hiān, goán ū khoàⁿ-kìⁿ lâi choè kan-chèng, iā pò lín chai hit ê éng-oáh ê oáh-miā, chiū-sī pún kap Pē tī-teh, iā chhut-hiān tī goán ê); ³goán chiong só· khoàⁿ-kìⁿ só· thiaⁿ-kìⁿ pò lín chai, beh hō· lín kap goán kau-poê, koh goán só· kau-poê, chiū-sī kap Pē í-kíp I ê Kiáⁿ Iâ-so· Ki-tok: ⁴goán siá chiah-ê, sī beh hō· goán ê hoaⁿ-hí chhiong-moá.

⁵Goán tùi I só· thiaⁿ ê oē, lâi thoân hō· lín ê, chiū-sī kóng, Siōng-tè sī kng, tī I choân-jian bô àm. ⁶Lán nā kóng, ū teh kap I kau-poê, iā kiáⁿ tī o·àm, chiū-sī kóng pèh-chhát, bô kiáⁿ chin-sít; ⁷tók-tók lán nā kiáⁿ tī kng-bêng, chhin-chhiūⁿ I tiàm tī kng-bêng, chiū lán saⁿ-kap kau-poê, iā I ê Kiáⁿ Iâ-so· ê huìh soé-tū lán lóng-chóng ê choē. ⁸Lán nā kóng bô choē, chiū-sī phiàn ka-kī, chin-lí iā bô tiàm tī lán. ⁹Lán nā jīm lán ê choē, I sī chin-sít kong-gī, beh sià-bián lán ê choē, soé-tū lán lóng-chóng ê put-gī. ¹⁰Lán nā kóng bē bat hoân choē, piān sī hō· I choè kóng pèh-chhát ê, I ê tō-lí bô tiàm tī lán.

2 Goá ê soè-kiáⁿ ah, goá siá chiah-ê hō· lín, sī beh hō· lín bô hoân choē. Nā ū lāng hoân choē, chiū tī Pē ê bīn-chêng lán ū Pó-hui-su, chiū-sī gī-lāng Iâ-so· Ki-tok; ²I ūi-tiòh lán ê

choē, choè bán-hoē ê chè; koh m̄ nā ūi-tiòh lán ê choē, iā sī ūi-tiòh thông sè-kan. ³Lán nā siú I ê bēng-lēng, tùi án-ni chiū chai lán bat I. ⁴Lāng nā kóng, goá bat I, iā bô siú I ê bēng-lēng, sī pèh-chhát ê lāng, chin-lí iā bô tiàm tī i; ⁵kìⁿ-nā siú I ê tō-lí ê, chiū Siōng-té ê thiàⁿ tī i chin-chiàⁿ ū chiâu-chng. Tùi án-ni lán chai lán tiàm tī I; ⁶lāng nā ka-kī kóng tiàm tī I, chiū tiòh chiàu I só· kiáⁿ ê khi kiáⁿ.

⁷Só· thiàⁿ ê hiaⁿ-tī ah, goá bô siá sin ê bēng-lēng hō· lín, chiū-sī lín tùi khí-thâu só· ū kū ê bēng-lēng; hit ê kū ê bēng-lēng chiū-sī lín só· bat thiaⁿ-kìⁿ ê tō-lí. ⁸Iū-koh goá siá sin ê bēng-lēng hō· lín, chit ê tãi-chi tī I sī chin, tī lín iā sī chin; in-ūi o·àm teh kè, chin kng í-keng teh chiò. ⁹Lāng nā kóng ka-kī tiàm tī kng-bêng, iā oàn-hūn i ê hiaⁿ-tī, chiū i kàu taⁿ sī tiàm tī o·àm. ¹⁰Lāng nā thiàⁿ i ê hiaⁿ-tī, i sī khiā-khí tī kng, iā tī i bô poáh-tó ê in-iū. ¹¹Tók-tók lāng nā oàn-hūn i ê hiaⁿ-tī, i sī tiàm tī àm, koh kiáⁿ tī àm, iā m̄ chai só· khi ê, in-ūi chit ê àm hō· i ê bák-chiu chhiⁿ-mī.

¹²Soè-kiáⁿ ah, goá siá phoe hō· lín, in-ūi lín ê choē ūi-tiòh I ê miā í-keng sià-bián. ¹³Lāu-toā ah, goá siá hō· lín, in-ūi lín bat hit ê tùi khí-thâu chiū ū ê. Siàu-liân lāng ah, goá siá hō· lín, in-ūi lín í-keng khah-iāⁿ hit ê pháiⁿ ê. Soè-kiáⁿ ah, goá bat siá hō· lín, in-ūi lín bat Pē. ¹⁴Lāu-toā ah, goá bat siá hō· lín, in-ūi lín bat hit ê tùi khí-thâu chiū ū ê. Siàu-liân lāng

ah, goá bat siá hō· lín, in-ūi lín íong-kiāⁿ, iā Siōng-tè ê tō-lí tiàm tī lín, iā lín í-keng khah-iāⁿ hit ê pháiⁿ ê. ¹⁵Bôh-tit thiàⁿ chit ê sè-kan, í-klp sè-kan ê mih. Lâng nā thiàⁿ chit sè-kan, chiū Pē ê thiàⁿ bô tiàm tī i. ¹⁶In-ūi kìⁿ-nā tī sè-kan ê, jiòk-thé ê su-iók, kap bák-chiu ê su-iók, kap jîn-seng ê kiau-ngō·, m̄ sī tui Pē, sī tui sè-kan. ¹⁷Koh sè-kan kap i ê su-iók teh kè-khì; tòk-tòk kiāⁿ Siōng-tè ê chí-ì ê éng-oán tī-teh.

¹⁸Soè-kiáⁿ ah, che sī lō·-bé ê sī; chhin-chhiūⁿ lín bat thiaⁿ-kìⁿ ū hit ê tui-ték Ki-tok ê lâi, hián-kim ū chhut choē-choē tui-ték Ki-tok ê; tui án-ni lán chai sī lō·-bé ê sī. ¹⁹In tui lán chhut-khì, tòk-tòk m̄ sī siók lán ê; in-ūi nā sī siók lán ê, chiū oē tng-tng kap lán tiàm; in chhut-khì sī beh hián-bêng in lóng m̄ sī siók lán ê. ²⁰Koh lín tui Sèng-ê siū boah-iū, soà chai it-chhè ê tãi-chì. ²¹Goá phoe siá hō· lín, sī m̄ sī in-ūi lín m̄ bat chin-lí, in-ūi lín bat i, iā in-ūi it-chhè ê pèh-chhát lóng m̄ sī tui chin-lí. ²²Pèh-chhát ê sī chī-chui, kiám m̄ sī bô jīm Iā-so· choè Ki-tok ê mah? Bô jīm Pē kap Kiáⁿ ê, chit-ê chiū-sī hit ê tui-ték Ki-tok ê. ²³Kìⁿ-nā bô jīm Kiáⁿ ê, iā bô ū Pē; jīm Kiáⁿ ê, iā ū Pē. ²⁴Lín tui khí-thâu só· thiaⁿ-kìⁿ ê, tiòh hō· i tng-tng tiàm tī lín. Nā sī tui khí-thâu só· thiaⁿ ê tiàm tī lín, chiū lín iā beh tiàm tī Kiáⁿ kap Pē. ²⁵Chit ê iā sī I só· èng-ún lán ê èng-ún, chiū-sī éng-oáh. ²⁶Goá siá chiah-ê hō· lín, sī lūn hiah ê bê-hék lín ê. ²⁷Lín tui I só· siū ê boah-iū tng-tng tiàm tī lín, iā m̄ bián lâng kà lín; tòk-tòk in-ūi I ê boah-iū kà-sī lín bān hāng sū, iā sī chin-sít m̄ sī pèh-chhát, iā chiàu i bat kà-sī lín ê, lín tng-tng tiàm tī I. ²⁸Taⁿ, soè-kiáⁿ ah, lín tiòh tng-tng tiàm tī I; án-ni, I nā hián-hiān, chiah hō· lán tī I koh līm-kàu ê sī oē hó-táⁿ, iā tī I ê bīm-chêng bô

kiàn-siàu. ²⁹Lín nā chai I sī kong-gī, chiū chai kìⁿ-nā kiāⁿ gī ê lâng iā sī I siⁿ ê.

3 Lín siūⁿ-khoàⁿ Pē thiàⁿ lán kàu cháiⁿ-iūⁿ, hō· lán chheng choè Siōng-tè ê kiáⁿ; lán iā sít-chāi sī. Só·-í sè-kan lâng m̄ bat lán, in-ūi m̄ bat I. ²Só· thiàⁿ ê hiaⁿ-tī ah, hián-kim lán choè Siōng-tè ê kiáⁿ, chiong-lâi cháiⁿ-iūⁿ, iáu-bē hián-bêng. Lán chai I nā hián-bêng, lán chiū chhin-chhiūⁿ I, in-ūi lán beh khoàⁿ-kìⁿ I, chiàu I sít-chāi ê khoán. ³Kìⁿ-nā khò I chiah ū chit hō· ng-bāng ê, pún-sin chheng-khì chhin-chhiūⁿ I sī chheng-khì. ⁴Kìⁿ-nā hoān choē ê, iā kiāⁿ put-hoat; choē chiū-sī put-hoat. ⁵Lín iā chai I bat hián-hiān sī beh tui-khì choè; iā chāi-tī I bô choē. ⁶Kìⁿ-nā toà tī I ê bô hoān choē; kìⁿ-nā hoān choē ê, bē bat khoàⁿ-kìⁿ I, iā m̄ bat I. ⁷Soè-kiáⁿ ah, m̄ thang hō· lâng bê-hék lín; kiáⁿ gī ê chiū-sī gī, chhin-chhiūⁿ I sī gī; ⁸hoān choē ê sī tui Mô·-kúi chhut, in-ūi Mô·-kúi tui khí-thâu hoān choē. Siōng-tè ê Kiáⁿ só·-í hián-hiān, sī beh hui-hoai Mô·-kúi ê só· choè. ⁹Kìⁿ-nā tui Siōng-tè siⁿ ê chiū bô hoān choē, in-ūi I ê chéng tng-tng tiàm tī i; i iā boē hoān choē, in-ūi i sī tui Siōng-tè siⁿ ê. ¹⁰Siōng-tè ê kiáⁿ-jī kap Mô·-kúi ê kiáⁿ-jī tui án-ni hián-bêng, kìⁿ-nā bô kiāⁿ gī kap bô thiàⁿ hiaⁿ-tī ê, m̄ sī tui Siōng-tè chhut. ¹¹In-ūi lín tui khí-thâu só· thiaⁿ ê oē, chiū-sī lán tiòh saⁿ-thiàⁿ; ¹²bô chhin-chhiūⁿ Kai-ún sī tui hit ê pháiⁿ-ê chhut, lâi thài i ê sió-tī. Sím-mih iân-kò· thài i? In-ūi i só· choè sī pháiⁿ, i ê sió-tī só· choè sī gī.

¹³Hiaⁿ-tī ah, sè-kan lâng nā oàn-hūn lín, m̄ thang liáh-choè kī-koài. ¹⁴Lán in-ūi thiàⁿ hiaⁿ-tī, chiū chai lán í-keng chhut sí jlp oáh. Bô thiàⁿ ê sī tiàm tī sí. ¹⁵Kìⁿ-nā oàn-hūn i ê haiⁿ-tī ê, chiū-sī thài lâng ê lâng; lín iā chai kìⁿ-nā thài lâng ê, i ê lâi-bīm bô éng-oáh.

¹⁶I thoè lán hiàn I ê sìn-miā, lán tùi chit-ê bat jîn-ài; lán iā eng-kai thoè hiaⁿ-tī hiàn sìn-miā. ¹⁷Lâng nā ū sè-kan ê chài-sán, khoàⁿ-kìⁿ i ê hiaⁿ-tī khiàm-kheh, iā bô khui i ê chú-sim, Siōng-tè ê thiàⁿ thái-thó ū tiàm tī i ah? ¹⁸Soè-kiáⁿ ah, lán ê saⁿ-thiàⁿ m̄ thang ēng oē, ēng chih; sī tióh ēng kiáⁿ, ēng sêng-sít. ¹⁹Tùi án-ni lán beh chai lán sī chhut tī chin-sít, kìⁿ-nā sim ū só· chek-pī lán, beh an-ùi lán ê sim tī I ê bīn-chêng; ²⁰in-ùi Siōng-tè pī lán ê sim khah toā, iā bô só· m̄ chai. ²¹Só· thiàⁿ ê hiaⁿ-tī ah, sim nā bô chek-pī lán, chiū lán òng Siōng-tè ū hó-táⁿ; ²²koh kìⁿ-nā lán só· kiū ê, chiū tùi I tit-tiòh, in-ùi lán siú I ê bēng-lēng, tī I ê bīn-chêng kiáⁿ I só· hoaⁿ-hí ê tãi-chì. ²³Iā I ê bēng-lēng sī án-ni, chiū-sī lán sìn I ê Kiáⁿ Iâ-so· Ki-tok ê miā, koh tãi-ke saⁿ-thiàⁿ, chiàu I só· hō· lán ê bēng-lēng. ²⁴Siú I ê bēng-lēng ê lâng chiū tiàm tī I, I iā tiàm tī i. Lán tùi án-ni chai I tiàm tī lán, sī tùi I só· hō· lán ê Sîn.

4 Só· thiàⁿ ê hiaⁿ-tī chiaⁿ ê sîn m̄ thang lóng-chóng sìn, tók-tók tióh chhi-giām chiaⁿ ê sîn sī tùi Siōng-tè á m̄ sī; in-ùi ū choē-choē ké sian-ti chhut-lâi jlp sè-kan. ²Lín tùi chit-ê bat Siōng-tè ê Sîn: kìⁿ-nā sîn ū jīm Iâ-so· Ki-tok í-keng tī jiók-thé līm-kàu ê, chiū-sī tùi Siōng-tè lâi; ³kìⁿ-nā sîn m̄ jīm Iâ-so· ê, m̄ sī tùi Siōng-tè lâi; che iā sī tùi-ték Ki-tok ê ê sîn; lín ū thiaⁿ-kìⁿ i lâi, hiān-chāi i iā í-keng tī sè-kan lah. ⁴Soè-kiáⁿ ah, lín sī tùi Siōng-tè lâi, koh í-keng khah-iāⁿ in; in-ùi tiàm-tī lín ê, khah toā tiàm-tī sè-kan ê. ⁵In sī tùi sè-kan lâi; só·-í in kóng oē iā tùi sè-kan, sè-kan iā thiaⁿ in. ⁶Lán sī tùi Siōng-tè lâi; bat Siōng-tè ê thiaⁿ lán; m̄ sī tùi Siōng-tè lâi ê, bô thiaⁿ lán. Chin-sít ê sîn, kap chha-biū sîn, lán tùi án-ni bat i.

⁷Só· thiàⁿ ê hiaⁿ-tī ah, lán tióh saⁿ-thiàⁿ; in-ùi thiàⁿ sī tùi Siōng-tè lâi; kìⁿ-nā thiàⁿ ê sī tùi Siōng-tè sīⁿ, koh bat Siōng-tè. ⁸Bô thiàⁿ ê m̄ bat Siōng-tè; in-ùi Siōng-tè sī thiàⁿ. ⁹Siōng-tè chhe I tók-siⁿ ê Kiáⁿ jlp sè-kan, hō· lán tùi I lâi oáh, Siōng-tè ê thiàⁿ tùi chit-ê hián-bēng tī lán. ¹⁰M̄ sī lán bat thiàⁿ Siōng-tè, sī I bat thiàⁿ lán, chhe I ê Kiáⁿ ūi-tiòh lán ê choē choē bán-hoē ê chē, thiàⁿ chiū-sī chāi-tī chit-ê ê. ¹¹Só· thiàⁿ ê hiaⁿ-tī ah, Siōng-tè nā thiàⁿ lán kàu án-ni, chiū lán iā tióh saⁿ-thiàⁿ. ¹²Chiông-lâi bē ū lâng khoàⁿ-kìⁿ Siōng-tè; lán nā saⁿ-thiàⁿ, chiū Siōng-tè tiàm tī lán, iā I ê thiàⁿ oân-choân tī lán. ¹³I í-keng ēng I ê Sîn siúⁿ-sù lán, lán tùi án-ni chai lán tiàm tī I, iā I tiàm tī lán. ¹⁴Pē chhe I ê Kiáⁿ choē sè-kan ê Kiū-chú, goán bat khoàⁿ-kìⁿ, iā choē kan-chêng. ¹⁵Kìⁿ-nā jīm Iâ-so· choē Siōng-tè ê Kiáⁿ ê, chiū Siōng-tè tiàm tī i, i iā tiàm tī Siōng-tè. ¹⁶Siōng-tè só· ū thiàⁿ lán ê, lán iā chai iā sìn. Siōng-tè chiū-sī thiàⁿ; koh lâng tiàm tī thiàⁿ, chiū-sī tiàm tī Siōng-tè, Siōng-tè iā tiàm tī i. ¹⁷Tùi án-ni thiàⁿ chiaⁿ choē oân-choân tī lán, hō· lán tī sím-phoàⁿ ê jlt oē hó-táⁿ; in-ùi I sím-mih khoán, lán tī sè-kan iā án-ni. ¹⁸Tī thiàⁿ ê lâi-bīn bô kiaⁿ-hiāⁿ; tók-tók chiâu-chng ê thiàⁿ koáⁿ-chhut kiaⁿ-hiāⁿ; in-ùi kiaⁿ-hiāⁿ chiū ū hēng-hoát; kìⁿ-nā kiaⁿ-hiāⁿ ê, tī thiàⁿ bē ū chiâu-chng. ¹⁹Lán ū thiàⁿ, in-ùi I tãi-seng thiàⁿ lán. ²⁰Nā ū lâng kóng, Goá thiàⁿ Siōng-tè, iā oân-hūn i ê hiaⁿ-tī, chiū-sī pēh-chhát ê; in-ùi bô thiàⁿ só· ū khoàⁿ-kìⁿ ê hiaⁿ-tī ê, chiū boē thiàⁿ só· bē khoàⁿ-kìⁿ ê Siōng-tè. ²¹Thiàⁿ Siōng-tè ê iā tióh thiàⁿ i ê hiaⁿ-tī, che sī lán tùi I só· siū ê bēng-lēng.

5 Kìⁿ-nā sìn Iâ-so· choē Ki-tok ê, che sī tùi Siōng-tè sīⁿ ê; koh kìⁿ-nā thiàⁿ sīⁿ i ê, iā thiàⁿ

tùi I só· siⁿ ê. ²Lán nā thiàⁿ Siōng-tè, koh siú I ê bēng-lēng, chiū lán tùi án-ni chai lán thiàⁿ Siōng-tè ê kiáⁿ-jī. ³In-ūi lán siú Siōng-tè ê bēng-lēng, che chiū-sī thiàⁿ Siōng-tè; koh I ê bēng-lēng m̄ sī tâng tàⁿ. ⁴In-ūi kìⁿ-nā tùi Siōng-tè siⁿ ê khah-iāⁿ sè-kan; iā hit ê só·-í bat khah-iāⁿ sè-kan ê, chiū-sī lán ê sìn. ⁵Khah-iāⁿ sè-kan ê sī chī-chūi ah? kiám m̄ sī sìn Iā-so· choè Siōng-tè ê Kiáⁿ ê mah? ⁶Chit ê Iā-so· Ki-tok sī tùi chúi, tùi huìh lâi ê; m̄ nā tī chúi, sī tī chúi iā tī huìh. ⁷Koh Sìn sī choè kan-chèng ê, in-ūi Sìn chiū-sī chin-lí. ⁸In-ūi choè kan-chèng ê ū saⁿ ê, Sìn, kap chúi, kap huìh; iā chí saⁿ ê só· kan-chèng ê kui tī it. ⁹Lâng ê kan-chèng lán nā sēng-siū i, Siōng-tè ê kan-chèng sī khah toā; in-ūi Siōng-tè ê kan-chèng sī chit-ê, chiū-sī lūn I ê Kiáⁿ I ū choè kan-chèng. ¹⁰Sìn Siōng-tè ê Kiáⁿ ê lâng tī pún-sin ū chit ê kan-chèng; m̄ sìn Siōng-tè ê lâng piān sī hō· I choè péh-chhát ê; in-ūi i bē ū sìn Siōng-tè lūn I ê Kiáⁿ só· choè ê kan-chèng. ¹¹Koh hit ê kan-chèng sī chit-ê, chiū-sī Siōng-tè í-keng chiong éng-oáh hō· lán, iā chit ê oáh sī chāi-tī I ê Kiáⁿ. ¹²Ū I ê Kiáⁿ ê, chiū ū oáh; bô ū Siōng-tè ê Kiáⁿ ê, chiū bô ū oáh. ¹³Goá siá chiaⁿ-ê hō· lín sìn Siōng-tè Kiáⁿ ê miā ê, beh hō· lín chai lín ū éng-oáh. ¹⁴Koh lán nā chiàu I ê chí-ì ū só· kiū, I chiū thiaⁿ lán; che sī lán tī I bīm-chēng só· ū ê hó-táⁿ. ¹⁵Nā chai kìⁿ ū só· kiū, I thiàⁿ lán, chiū chai só· tùi I kiū ê, lán ū tit-tiōh. ¹⁶Lâng nā khoàⁿ-kìⁿ i ê hiaⁿ-tī hoān bô tì-kàu sí ê choē, i beh kiū, chiū beh ēng oáh-miā hō· i, chiū-sī hō· chiaⁿ ê hoān choē bô tì-kàu sí ê. Ū tì-kàu sí ê choē; goá kóng tiōh kī-tó, m̄ sī chí chit-ê. ¹⁷Kìⁿ-nā put-gī lóng sī choē; iā ū choē bô tì-kàu sí ê.

¹⁸Lán chai kìⁿ-nā tùi Siōng-tè siⁿ ê bô hoān choē; sī tùi Siōng-tè siⁿ ê pó-siú i, iā hit ê

pháiⁿ ê bô bong-tiōh i. ¹⁹Lán chai lán sī tùi Siōng-tè lâi, iā thong sè-kan toà tī hit ê pháiⁿ ê. ²⁰Koh chai Siōng-tè ê Kiáⁿ í-keng kàu, ū hō· lán hiáu-ngō·, kàu bat hit ê chin ê; lán iā tiām tī chin ê, chiū-sī tī I ê Kiáⁿ Iā-so· Ki-tok. Chit ê sī chin ê Siōng-tè, iā sī éng-oáh. ²¹Soè-kiáⁿ ah, tiōh ka-kī kò· lī-khui ngó·-siōng.